

EFESIOS

Pablo mexe wetfel.

¹ Yakha' Pablo, t'eku'myiiji' pa' Intata qu' ya'apostoli'ipji' ha' Jesucristo, henq'ika'al ei ekheweli'l yijayan pa' Intata i'ni' ek ha' witset Efeso qa tek'enetsha iye ha' Jesucristo.*

² Pa' Intata Dios qa ha' Yatsat'ax'inij Jesucristo qu' net'iftits'il ewets qa qu' nikesimen iye pe' ataw-jetsi'l.

Pe' jiyelisij pa' Intata ta'lets pa' Espíritu Santo.

³ Neniwqinhetji'ha pa' Dios qa Latata iye ha' Yatsat'ax'inij Jesucristo, hikpa' jiyelisij week pa'qu' lunye'je' pe' wekwek ta'liipha'm na' wa's ta'lets pa' Espíritu Santo qe nite' jiteqeku' ha' Cristo.*

⁴ Qe pa' Intata hayiits pa'aj t'eku'm iniiji' qe ta'lets ha' Cristo in mexente' wanaqsiijkii pa'aj ha'ne sehe' hats'inha qu' je'lesiitsi'iiha qa' hame' iye pa'qu' u'axe' qu' nam inij in hats jitajayan Pakha'an. Pa' leqsu'unka'x inij*

⁵ hikpa' jiyamitets qu' jinaqsi'j qa' letitse'inij qe ta'lets ha' Jesucristo, in lunye'jek pakha' hats lakha'le in yisu'un qa yi'sinheti'mkii iye.

⁶ Qa aka'an in lunye'jkii qe qa' jintewqinhet qu' nata'lets pa' qi leq'iltax'inij, hik aka' jiyelisi'ij ham laja'ye' qe ta'lets ha' yisu'un La's.*

* **1:1** Ef 1:9; 5:2; 1P 1:21; Hch 13:9; 18:19-21; 19:9-10; 20:3,17; 1Co 15:32; Ap 2:1 * **1:3** Ef 1:20; 2:6; 3:10; 6:12 * **1:4** Jud 24 * **1:6** Jn 1:14; 3:35; 10:17; Ro 5:2; 2Co 4:15; Mt 3:17; Col 1:13

7 Hikha' pe' l'athits jiyilithinik'ui pa' ul'ax, qa yiwu'm i'nk'ui pe' inwu'l'ets. Qa aka'an in lunye'jkii ma' qa' jinikfe'lets in yijaa'ija in qii'ija in yisu'un qu' jinelisij pa' leqi'fenkeye'j,*

8 ma' qa' qi in jiyelisij pa' leqifenkeye'j. Weekij pa' qi hikfeliya'xkii qa weekij iye pa' l'iyayiye'jij

9 in jiyelisij qu' jinenikfe'lets pa' yat'inkii nite' leke' pa'qu' nenikfe'lets yisu'un qu' naqsiijkii, hik aka' in yejetik'uiha in yaqsiijkii qa qii'ija in le'wisijju'ha qu' jinilin, qa i'nijji' ha' Cristo.*

10 Qa pa' yisu'un qu' naqsiijkii qa' nafits qu' hats weeke' wetets pe' lahatsiyij, ma' qa' ewi'l'neni' pe' week na' wa'sji' qa ha'ne sehe' ipji' qa' netnek'enhe'yij ha' Cristo.*

11 Hik hakha' iye in jitajayan ma' qa' jintesti'yij hatse' pa'qu' jinatsat'etsijek, in lunye'jek pakha' hats yisu'un qu' lunye'je'kii pakha' yaqsiijkii week eke' wekwek, ma' qa' hik lunye'je' pakha' hats yisu'un qu' lunye'je'kii.*

12 Hats'inha yekheweli'l in hojo'olij in nite' hegeku'ul' ha' Cristo, ma' qa' yekheweli'il' qu' nata'hi'l' yiwets qu' neniwqinhet pa' Intata.*

13 Qa aka'an qa' hik aka' ka' ejunyejeyi'l, in ink'a lepi'ye'elik'i ma' qa' l'ek'eni'tik'i kekhewe' wi'tlijei ta'lets pa' yijaa'ija, qa' wi'tlijei iye ta'lets qu' ji'la'xe', qa' aka'an in lunye'j ma' qa' hats neni'l' ji'teje'm pa' yiwjutsiqenij in yatsat'etsi'l' ej pa' Intata hikpa' pa'

* **1:7** He 9:12; Sal 25:11; Mt 9:2; Mr 2:5; Lc 24:47 * **1:9** Ro 9:11; 11:25; 16:25; Ef 3:3; Col 1:27 * **1:10** Mt 1:17; 5:2; Fil 2:10; Ef 5:2; Col 1:16 * **1:11** Pr 19:21 * **1:12** 1Ts 1:3; Mr 10:37

Espírítu Santo hayiits yiwjutsiqen qu' jinełisij.*

14 Hikpa' Espírítu Santo nojohonłe inwets in t'ejuyets pe' jiyatsat'etsij hatse'. Qa qu' namtaxets aka'an, qu' hats jintewejinhetiitaxkiiha ma' qa' jintewqinhet qu' nata'lets pa' qi leq'iltax'inij.*

Pablo iyinjipji'.

15 In tsikfe'lets in nite' leqeku'ul ha' Yatsat'ax'inij Jesús qa qi iye in İisu'uni'ł pe' week inejefetsipji' pa' Intata, qa hik ta'lijupi'

16 yakha' in nite' hili'ij in hitjiijetspha'm le'wisij pa' Intata qe ta'li'ł ewets week qa k'iyinji'ij.

17 K'iyinijets pa' leqe Dios ha' Yatsat'ax'inij Jesucristo, qa Łatata pa' qi witisa'x, qu' nelisi'lij pa' witikfeliya'xkii ta'lets pa' Espírítu Santo qa qu' nethini'lij qu' les enikfe'li'lets pakha'an.*

18 K'iyinijets qu' ni'wenkitkiiha pe' atawjetsi'ł, hats'inha qu' enikfe'li'lets pa'n lunye'j pa' jiwetjumti'ijik'ui in tayai iniiji', pa'n lunye'j pa' qii'ija in le'wis qu' netisij hatse' qa' natsat'etsij pe' łelits pa' Intata.*

19 Qa' enikfe'li'lets iye in ham pa'qu' łuk'eyi'iju'ł in qii'ija pa' let'unha'x pa' Intata qa hikpa' pa' let'unha'x qa t'ifti'ts inwets inekhewel in jitek'enets, qa hikpa' iye pa' let'unha'x ham pa' qu'nte' ne'weju'li'ij,*

* **1:13** Col 1:5; 2Ts 2:10; Sal 51:11; Jn 1:33; Hch 2:4; Ro 8:9; Ga 5:25; Tit 3:5; Ap 3:22 * **1:14** Gn 38:17-18,20; 2Co 1:22; 5:5 * **1:17** Sal 51:12; 1P 4:13 * **1:18** 1Ts 1:3; Col 3:15 * **1:19** Hch 4:33

²⁰ qa hikpa' iye yit'iji' in niihinik'uipha'm ha' Cristo pe' naxju', qa na' wa'sji' qa yinhiniju' pa' yiya'yik'i pa' Intata.*

²¹ Ma' qa pa' let'unha'x ha' Cristo qa t'anipji' tot-siiju'ha week pekhewe' qitstaxji' in tenek'enhei, qa pe' te'weyiju'l in qitstaxji', qa pe' na'ltaxi'm pe' let'unhaxits in tenek'enhei, qa pe' na'ltaxi'm pe' tenek'enhe'yij qa week iye pakha' qu' nenittaxij pa'qu' liye', qa nite' ha'nehi'ij ha'ne lahats'ij, qe pa' mexe hamik'ui iye.*

²² Ma' qa yeni' iye qu' week netnek'enhe'yij hakha'an, qa pakha'an qa yeni' iye qu' lejilayi'ij week pe' yijayan pa' Intata.*

²³ Qa enewe' yijayan qa hik lunyejei qu' l'ese'ne' ha' Cristo, hikha' topo'oj enewe'en qa hakha' iye i'ni' ha'ne week.*

2

Jiyetisij pa' witi'ta'x qe ta'tets pa' Jesucristo.

¹ Toxik'i ekheweli'l mexe hik ejunyejeyi'l qu' anaxi'lju' qe ta'tets in laqsiijikii pa' ul'ax.*

² Ma' qa la'ni'hi' pakha' lunye'j ha'ne week sehe' epji', qa hijayani'ij pakha' tenek'enhe'yipji' ha'ne sehe' epji', hikpa' espíritu ul'ax, in t'ithayii qa natkin pe' nite' tek'enets pa' Intata.*

³ Qa enewe'en hik injunyejeitax iye toxik'i in-ekhwel, ma' qa jitaqsiijikii pakha'le qu' lunye'je' qu' jintesu'un ul'ax, qa jitek'eniju'l pa'qu' nisu'un

* **1:20** Jn 20:17; Ef 1:3; 2:6; 3:10; 6:12; Fil 2:9,10; 1P 3:22 * **1:21**
 2Ti 2:19; Mr 10:30 * **1:22** Sal 8:6; Ro 13:1; 1Co 15:27; 1P 3:22; Col
 2:10 * **1:23** Ef 4:4; Jn 1:16; Col 3:11 * **2:1** Jn 5:25 * **2:2** 2P
 2:10,20; Jud 8; 1Co 2:12; 1Ti 4:1

ha'ne i'nese'n qa pa' inaɟjamtikineye'jkii, ma' qa in lunyejeyek pekhewep, in ewi'He in je'weju'taxij pa' laxtanithenkeye'j pa' Intata.*

⁴ Qa pakha'le Intata qa qii'ija pa' na'li'm leq'iltiye'j. Qa in ta'lets pa' qi leqsu'unka'x inj,*

⁵ ma' qa jiyehisij pa' witi'la'x i'nijji' ha' Jesucristo, in mexe hik injunyejeitax qu' jinanaxju' qe ta'lets pe' inwu'lets. iPa' leq'iltiye'j pa' Intata ta'lets in hats i'liyi'!

⁶ Qa in ewi'fju'uni'li' ha' Cristo, pa' Intata qa hats hik lunye'j qu' jinihinik'uipha'mkii pe' naxju' qa hats jiyinhinijup hakha'an na' wa'sji'.

⁷ Qa in yaqsiijkii aka'an qe qa' jinehiinijha hatse' in qi'ija pa' leq'ilta'x inj, qa in qii'ija iye pa' leqifenkeye'j inj qe ta'lets in jitek'enets ha' Jesucristo.*

⁸ Qe pa' leq'iltiye'j pa' Intata ta'lets in hats i'liyi'f qe nite' l'inqeku'ul, qa aka'an qa nite' ta'li'il ewets, qe ta'He'ets yijat'ij pa' Intata in yisu'un qu' nehishi'ilij pa' witi'la'x,

⁹ nite' ta'lets pa'qu' jintaqsiijkii, qe qa' ham pa'qu' neniwqinhetij pe'ye'.

¹⁰ Qe inekhewel in jitajayan pa' Intata, l'ithayijkit pa' Intata. Inekhewel jitaqsijkitiyijkii in jitajayan ha' Jesucristo qe qa' jintaqsiijkii pa' le'wis, hik pakha' pa' le'wis hayiits pa'aj yaji'let pa' Intata qu' injunyejeye'.

* **2:3** Fil 3:3; Mt 21:31; Lc 12:47; 23:25; Jn 1:13; 1Co 7:37; 2P 1:21; Ro

2:5; Ap 6:16 * **2:4** Lc 1:50; 1Co 13:1; 1Jn 4:16 * **2:5** Col 2:13; 1Ti

5:6; Jn 5:25 * **2:6** Col 2:12; 3:1; Ef 1:3,20; 3:10; 6:12; Fil 2:10; 1P

3:22 * **2:7** Mr 10:30; Lc 8:14; 2Co 8:9; Sal 25:6 * **2:10** Jn 1:3; Ap

3:14; Ro 9:23

Cristo jiyaqsi'j wetju'ł.

11 Maxtayit geku'ni'lik'i kekhwep łahatsiyij, ekhweli'ł in nite' łenekihjik'i qu' e'judioli'ł, ne' judiol hik nekhewe' yaqsiijkii kakha' circunciśón qa ekhweli'ł qa łeqiyitsi'ł ej hamitsi'm kakha' circunciśón. Qa kakha'łe circunciśón qa jukhwę na'aj yaqsiijkii.*

12 Maxtayitiłik'i iye in mexe i'totsi'łi'mets ha' Cristo kakha' łahats'ij, mexe i'totsi'łi'mets ne' Israel łełets, mexe nite' yatsat'etsi'ł epji' iye pe' yiwjutsiqen pa'aj pa' Intata, mexe ham pa'qu' etjumti'łik'ui qa mexe ham iye pa' yijaa'ija in Dios in ł'ani'łi'pji' ha'ne sehe'.*

13 Qa ha'nełi'ij in łijayani'ł ha' Cristo, ekhweli'ł kekhwep mexe i'totstaxih'mii kakha' łahats'ij hats e'metitsi'łi'm qe ta'łets pe' ł'athits ha' Cristo.*

14 Qe ha' Cristo hikha' jiyaqsi'j wetju'ł, ma' qa inekhwel in je'judiol qa ne' nite' judiol iye qa hats hik injunyejei qu' ewi'ł witset'e, qa hakha'an qa yiwjalaqitju' pa' jiyeqethentax wetju'ł.*

15 Qe in wa'm qa yiwamhitijkii qa yilinenij kekhwep yittaxij kakha' ley, ma' qa yaqsiijkii in hats hik łunye'j qu' ewi'łe'łe pa' jukhwep in mexe hik łunye'jtax qu' wetsjuk'e qe qa' ewi'ł jina'niji' hakha'an, aka'an hik aka' łunye'j in je'łe'sits wetju'ł.*

16 Łakha' in wa'mjipha'm pe' cruz qa yaqsi'j wetju'ł pe' wetsjuktax (pe' judiol qa pe' nite' judiol), ma' qa hats hik łunye'j qu' ewi'ł ł'ese'ne', qa

* **2:11** Ga 6:15; Fil 3:3 * **2:12** Gn 12:7; 1Ts 1:3; 4:13 * **2:13** He 9:12 * **2:14** Ro 10:12; Ga 3:28 * **2:15** Ap 3:14; Jn 11:52

yaqsiikii iye in le'sitsi'l wetju'l pa' Intata pekhewe' hats hik lunye'j qu' ewi'l pa'qu' l'ese'ne', qa in hats le'sitsi'l wetju'l, qe ha' Cristo hats yilan pakha' yitontax wetju'l.*

17 Qa ke' we'nika'ajji' qa yit'ij: —*Ma' qa nam qa nifel qu' e'le'sitsi'il wetju'l pa' Intata ekheweli'l pekhewe' totsii, qa qu' le'sitsi'il wetju'l iye pekhewe' metitstaxi'm.*— (Is 57:19)*

18 Qe ha' Cristo hikha' ta'lets, ma' qa yekheweli'l in ye'judio'oł, qa ekheweli'l in nite' e'judio'oł, in les je'metitsi'm pa' Intata qa ewi'le pa' ta'lets in Espíritu.*

19 Qa hik ta'lijupi' ekheweli'l in hats nite' hik ejunyejeyi'l qu' pakha' ata'liji', hats nite' hik ejunyejeyi'l qu' nite' netsikfe'li'il ej, qe hats etsetifetsi'l yijat'ij pe' yijayan pa' Intata, hats la'ni'l ji'teje'm pe' lelits pa' Dios.

20 Ekheweli'l hik ejunyejeyi'l utel in teniihinpha'm pe' wititsi', qa pekhewe' letkui qa hik hekhewe' he' apóstoles qa pe' profetas'ik'i, qa ha' Cristo qa hik hakhaa'ija hik lunye'j qu' witeq-jeyumtshenki'ye' ute in i'nk'a tsupju' pe' wititsi'.*

21 Qa in ta'lets ha' Cristo, pe' wititsi' teniihinpha'm qa qapits wetju'ha in ewi'l i'ni' pe' utel, qa week neluts t'ijaifik'i hats'inha qu' nijat'ax pe' wititsi' qa' ewi'le'le qu' net'ejuyets pa' Yat-sat'ax'inij.*

22 Qa hikha' iye Cristo ta'lets ekheweli'l pe' nite' judío qa judío iye in e'weeki'l in la'ni'l ji'teje'm

* 2:16 Ef 4:4 * 2:17 Lc 4:18; 1P 1:12 * 2:18 Jn 4:23; 10:7-9; Ro 5:2; Ef 3:12; 4:4; 1Co 1:12; 12:13 * 2:20 1Co 12:28; Ef 3:5 * 2:21 Ef 4:16; 1P 2:5

pe' teniihinpha'm wititsi' pe' i'nifi pa' Intata qe i'nji'teje'm pa' leqe Espíritu Santo.*

3

Pa'yat'inkii pakhaa'ij pa'aj pa' Intata.

¹ Qa hik ta'lijupi', yakha' Pablo, in ho'yopheleti'yipji' ha' Jesucristo qe qa' e'le'sitsi'ilju' ekheweli'f in nite' e'judioltaxi'f.*

² Qe yijaa'ija qu' hats impi'ye'e'ij kakha' ts'ithayinenij pa' Intata qu' nelisi'lij pa' leq'iltiye'j.

³ Lakha' in tsikfelitets qa ts'ethinij aka' nite' hayiits pa'qu' nenikfe'lets, in l'anye'jek kakha' hats he'nq'ika'alij ei nite' ijetaxijje'm.*

⁴ Qa qu' iyineni'hik'i ma' qa' enikfe'li'letsha yakha' in tsikfe'lets aka' nite' hayiits pa'qu' nenikfe'lets t'ejuyets ha' Cristo.*

⁵ Hik aka' toxik'i mente' tisij pa'aj pa' Intata pe' jukhew'ik'i qu' nenikfe'lets, qa ha'neli'ij qa hats yethinij qe ta'lets pa' Espíritu Santo hekhewe' apóstoles qa pekhewe' profetas iye.*

⁶ Qa aka' yethinij enewe'en aka'an: pe' nite' judiol in na'lji'jek hatse' pa'qu' netesti'yij, lekhewel iye lewekwekits pa' wit'ese'n, lekhewel iye i'nji'teje'm pe' notki'ik'ui pa' yiwjutsiqeni'm pa' Intata pekhewe' tek'enets ha' Jesucristo. Ekewe'en hik ekewe' ke' le'sits wi'tlijei.*

* 2:22 Ro 11:18; 1P 2:5 * 3:1 2Ti 1:8 * 3:3 1P 4:13 * 3:4 Col 4:3 * 3:5 1Co 12:28-29; Ef 2:20 * 3:6 Gn 12:7

⁷ Qa aka'an hik aka' ka' ts'ithayinenij pa' Intata qe ta'lets pa' leq'iltiye'j. Ma' qa pa' let'unha'x qa i'nij yitji' in yaqsiijkii aka'an.*

⁸ Yakha' in les heiweitaxik'uiju' pakha' qu' ham ne'weju'li'ij pe' yijayan pa' Intata, qa pakha'le Intata qa t'eku'myijyiji' qu' hithayiki pa' qi leq'iltiye'j, ma' qa henfeli'm ne' nite' judiol pa' ham l'aka'the'ye' in le'wis ta'lets ha' Cristo.*

⁹ Qa' hethinij iye qa' week ni'wen aka' nite' hayiits pa'qu' nenikfe'lets, qe pa' Intata pakhaa'ij pa'aj in yat'inkii, hikpa' yaqsiijkii pa'aj ha'ne weekji'.*

¹⁰ Hats'inha ene' yijayan pa' Intata qa' hik enewe' nata'lets qu' nenikfe'lets hane'ej pe' angelits tenek'enhei na' wa'sji' pa' qi likfeliya'xkii pa' Intata in inq'ethinij in week nikfe'lets pe' lunyejeile wetju'l'.*

¹¹ Hik aka' lunye'j in hats yamik'ui pakha' hayiits yaji'let pa'aj qu' lunye'je'kii in mexe ham ha'ne week qa i'nijji' ha' Jesucristo Yatsat'ax'inij.*

¹² Hikha' ta'lets in nite' jiwetjeyepun qa les in je'metitsi'm pa' Intata, qe nite' jiteqeku' hakha'an.*

¹³ Qa hik ta'lijupi' qu' nek'iyini'lij ewets qu' hasu'uj natha'lalinheti'lju' qu' nata'lets pakha' haats'e'ej qe ta'li'l ewets. E'le'sitsi'idi'mkii yijat'ij qe pa' haats'e'ej jutsiqaxij in hats yatsat'etsi'l' ej pa' Intata.*

* **3:7** Mr 5:30; Lc 1:35; 6:19; Hch 19:11; 2Co 13:4; Ap 11:17 * **3:8** Ro 1:15; 10:12; 11:12; 1P 1:12 * **3:9** Mr 13:19 * **3:10** Pr 3:19; Ro 11:33; 1Co 1:21,24; Ap 7:12; Ef 1:3,20; 2:6; 6:12; Fil 2:10 * **3:11** Pr 19:21 * **3:12** Ro 5:2 * **3:13** 2Ts 3:13; Jn 5:44; 7:18; Ro 2:7; 1P 5:4

Pablo iyinjiipji' pe' Efeso teitets.

14 Aka'an in lunye'j, ma' qa honokok'enijifi qu' nek'iyinijets pa' Łatata ha' Yatsat'ax'inij Jesu-cristo,*

15 hikpa' tisij ka' hii pe' week witjefeyek ipji', na'l pe' hats i'nii na' wa's qa na'l pe' mexe i'nipji' ha'ne sehe',

16 qu' nelisi'lij pa' qi łesa'x qa' nata'lets pe'qu' et'unhaxitsi'if qu' nata'lets pa' Espíritu Santo.*

17 Qa k'iyinijets iye qu' na'ni'f etji' ha' Cristo in nite' łeqeku'uf, qa k'iyinijets iye pa' witeqsu'unka'x qu' hikpa' extuk'i'ifij in mexe i'fiyi'f.

18 Qa aka'an qu' lunye'je', ma' qa' nata'lets qu' menikfeliti'letsha qa week iye pe' inejefetsipji' qu' nenikfelitetsha iye pa'n qu' łepk'eyeji', qa pa'n qu' łepk'eyepha'm iye qa pa'n qu' ipłu'ye'ju' iye qa pa'n qu' ipłu'ye'pha'm iye in qi pa' łeqsu'unka'x ha' Jesu-cristo.*

19 Qa k'iyinijets iye pa' Intata qu' nifikeliti'letsha ha'ne qi łeqsu'unka'x ha' Jesucristo, in ham pa'qu' nenikfe'letsha pa'n łuk'e, hats'inha qa' notpoli'f ej qu' ejunyejeyi'if pa' lunye'j pa' Intata.

20 Jitewqinhetji'ha pakha' na'li'm pa' łet'unha'xijup in łeke' qu' naqsiijkii qu' les nanhini' pakha' łuk'e pa' jitungtitax qu' łeke'ye' qu' naqsiijkii i'nhi'i iye pakha' łuk'e pa' jutumtitax qu' łeke'ye' qu' ji'niyinijets. Pa' in'initji' łet'unha'x yaqsiijkii aka'an.*

* **3:14** Fil 2:10 * **3:16** Lc 8:14; 9:32; 2Co 8:9; 3:18; Jn 17:24; 2P

3:18; 2Ti 1:7; Ro 7:22; Fil 4:13 * **3:18** Job 11:7-9; Sal 103:11-14

* **3:20** 2Co 9:8; Jud 24; Mr 14:36; Ro 15:13; 16:25; 2Ti 1:7

21 Iwqinheti'ha pa' Intata ekheweli't in hijayani't qe l'ek'eni'lets ha' Jesucristo, qa hasu'uj qu' ili'ihij qu' iwqinheti'lji'. Amén.*

4

Ewi't pa'qu' injunyejeje'.

1 Qa hik ta'lijupi' qu' nek'iyini'lij ewets, yakha' Pablo, ye'wit'ophe'lik qe ta'lets ha' Yatsat'ax'inij, qu' aqsiihijkii pakha' hats l'enyayihijii qu' ejunyejeje'i't.*

2 Meniwqinhetkitek'i't, af'ayai qu' iyeti't, hasu'uj eq'itaqsunhetsi'i't, itaqsunkite'elij wetju't pe'ye', mewet-su'uni't yijat'ij.*

3 Aqsiihijkii week pa' luk'e' pa' leke' qu' aqsiihijkii hats'inha qu'nte' niliyi'ij in ewi't la'nihiji' pa' ham peeyi'ijkii ta'lets pa' Espíritu Santo.*

4 Pa' wit'ese'n ewi'He qa pa' Espíritu ewi'He iye, qa hik lunye'j iye in ewi'He pa' jiwetjumti'ijik'ui hikpa' l'enyayihijii,*

5 ha' Yatsat'ets'inij ewi'He, pa' nite' inqekuyejei ewi'He, in jiwempulijijju' ewi'He,*

6 pa' Dios qa Latata ene' week ewi'He, hikpa' week tenek'enhe'yij, t'ithayii i'nijji' ene' week, qa i'nji'teje'm ene' week.*

* 3:21 Fil 4:20 * 4:1 2Ti 1:8 * 4:2 Col 3:12; Ex 34:6; 2Ti 3:10; He 13:22; 1Co 13:1 * 4:3 Ef 4:13; Sal 51:11; Jn 1:33; Hch 2:4; Ro 1:7; 8:9; Ga 5:25; Tit 3:5; Ap 3:22; Lc 12:51; 2Ti 1:2; 3Jn 15 * 4:4 1Co 10:17; 12:9,12-13; Ef 1:18; 2:16,18; Col 1:5; 3:15; Hch 26:6-7; 28:20; Ro 5:2; 8:23-25; 12:4-5; 1Ts 1:3 * 4:5 1Co 1:13; 8:6; Jud 3 * 4:6 Dt 6:4; Mt 5:16; 11:27; Lc 11:13; Jn 8:42; Sal 104:24

⁷ Qa weekle ewitei inekhewel jintesti'yij pa' luk'e' pa' yisu'un qu' jinehisij ha' Cristo.*

⁸ Qa hik ta'lijupi' ka' we'nika'ajji' in yit'ij: —*In wapiletspha'm pa' toxpha'm, qa yeka'x pe' olots wit'ophetii, qa netisijju' pa'qu' niya'yij ene' jukhew qa efuts iye.*— (Sal 68:18)*

⁹ ¿Qa pa'n ikji' aka'an in yit'ij wapiletspha'm iye? Aka'an ikji' in yaamhi'ijju' pa' les toxiiju' ha'ne sehe'.*

¹⁰ Qa pakha' ikju' qa hik pakhaa'ija iye pa' iket-spha'm iye pakha' les toxpha'm ha'ne wa's, qe qa' netnek'enhe'yij ene' week.*

¹¹ Qa hikha' qa tisij he' uja'x in apostolitsij, qa pekhewep profetas, qa pekhewep qa ikij qu' nen-feli'm pekhewep eke' wi'tlijei t'ejuyets hakha'an (evangelistas), qa pekhewep qa yejelets pe' hats yijayan pa' Intata (pastores) qa i'nq'ijatshenij iye pa' Intata ke' le'ljei (maestros).

¹² Qa ekewe'en in netisijju' qe qa' nijatshenij pe' hats yijayan pa' Intata ma' qa niyaiijjek aka' wit'ithayijkit, ma' qa' les qu' net'un pakha' hik lunye'j l'ese'n ha' Cristo.*

¹³ Qa aka' wit'ithayijkit, qa' namhi'ijii qu' ewi't na'ntaxi' qa' week l'ajaye' wetju'lha qu' le'sitse' pe' nite' inqekuyejei, qa pa' inikfelixaxitsets ha' La's pa' Dios, ma' qa' hik injunyejeje' na'aj hats jukheewija, qa' hats hik injunyejeje' ha' Cristo in hik lunye'j na'aj hats jukheewija.*

* **4:7** 1Co 12:7-11 * **4:8** Jn 20:17 * **4:9** Jn 3:13; 6:62; Ro 10:6-7; Fil 2:6-11 * **4:10** Jn 3:13; 6:38; Ef 1:23; He 4:14; 7:26; 9:24 * **4:12** Ro 7:4; 1Co 10:16; 12:27; Col 2:17 * **4:13** Jn 5:19; He 1:2; Lc 2:52

14 Qa ha'nehi'ij hasu'uj hik injunyejeje' ne'ej omehets, qe na'aj i'nk'a jitepi'ye'ek'i ma' qa aje'eł jitumti, qa hik injunyejei qu' pekhel jinepiletji'kii ne'ej iweli' leqe t'uyuyits, qe ta'lets pe' leq'ijatshenkeyejeite wetju'ł yumtitax qu' nasinik'i.*

15 Qu' ji'niyetij yijat'ij pa' yijaa'ija qa' weeki'ij pa' ineqsu'unka'x, ma' qa' ji'nt'ijayijfik'i qa' neteitem qu' hik lunye'je' hakha' lejila', hikha' Cristo.*

16 Łakha' in lejila' pa' wit'ese'n, qa łakha' ewi'he qu' nata'lets pa' wit'ese'n qu' neteni'fen wetju'ł qa' ewi'ł na'ni', ma' qa' week ewi'eye' pe' lewekwekits pa' wit'ese'n qa' le'wis qu' naqsiijkii pakha' leke'uju'ł qu' naqsiijkii, ma' qa pa' wit'ese'n qa' net'ijaipha'm qa' net'un qe ta'lets pa' witeqsu'unka'x.*

17 Aka' qu' hit'ihij ewets qe ta'lets ha' Yatsat'ax'inij: qu' yape hasu'uj ejunyejeji'ł ka' lunyejei nekhewe' nite' yijayan pa' Intata, qe lekhewel yijayanij pe' ham weju'hi'ij laqjantikineyejeikii.

18 Pa' hikfeliyaxitstaxkii hik lunye'j qu' noo'ye'kii, tots'i'mii pa' le'wis witiłax ta'lets pa' Intata, qe ta'lets in ham nikfe'le'ets qa in yit'unhet iye pe' łatawjets.

19 Nite' wonoksi'wen, wetłisij pa' witqaw-itjineyaxij ene' wit'esenits hats'inha qa' nite' nami'ijju' qa pakha'le qu' lunye'je' in wanawitji.

20 Qa ekhewelli'il qa nite' I'ijatshenheti'yi'lij qu' hik aka' ejunyejeji'il in lenikfe'lilets ha' Cristo.

21 Tsikfe'lets in hats I'imp'i'ye'elij qa I'ijatshenheti'yi'lij iye hakha'an, ma' qa lenikfe'li'lets pa' yijaa'ija hikpa' jiyijatshenij ha' Jesús.*

* 4:14 Ro 15:4; He 13:9 * 4:15 Col 2:10 * 4:16 Col 2:2,19; 1Ts

4:17 * 4:21 2Ts 2:10; 2P 3:11

22 Qa hik ta'hijupi', ili'ihij pe' hayiits ejunyejeyi'ł, qa' ili'ihij iye in hijamti'ifetskii, qe pa' hayiits ejunyejeyi'ł hats ul'axijkii qe ta'lets pe' ul'ets laqsiihijkii,*

23 hats'inha qu' nenink'aihit pa'qu' ejunyejeyi'ł qa pa'qu' aqjamtikineyejeyi'łkii iye.*

24 Ma' qa' uyi'lik'ipha'm pa' ink'ayik ejunyejeyi'ł, hikpa' hik lunye'j pa' le'wis lunye'j pa' Intata, qa taqsijkitiyijkii qu' natsathen qa qu' naqsiijkii iye pa' yisu'un pa' Intata qa qu' yijaayi'ija iye pa'qu' lunye'je'.

25 Qa hik ta'hijupi', ili'ihij pa' witwejtitsi', *it'ijets pa' yijaa'ija week pe'qu' metitse'em jukhewe qa efuts, (Zac 8:16)* qe week inekhwel lewekwekits pa' ewi'ł wit'ese'n.*

26 *A'nayu'ul'kii, qa hasu'ujle aqsiitijkii pa'qu' ul'axe'.* (Sal 4:4) Hasu'uj nui'ejju' ne' junu' qu' a'nayu'kii.*

27 Hasu'uj mowo'ohii eq'itset'i'ihij pa' inwo'met.

28 Pa'qu' ejtenhetsaxe', yape nili'ij. Net'ithayii yijat'ij, ma' qa' nanatkiniji' yijat'ij pe' lokoyei pa' le'wis, hats'inha qu' leke'ye' qu' ni'fen pakha' qu' hami'im pe'ye'.

29 Hasu'uj it'ij pe'qu' ul'etsi'ik'i, it'ij yijat'ij pe'qu' ni'fen qa qu' nakaklin iye pe' latawjets pekhewepe', hats'inha qu' nit'ijetspha'm le'wisij pa' Intata pekhewe' qu' nepiye'.

30 Hasu'uj ika'metenheti'łkii pa' Espíritu Santo, hik pakha' hik lunye'j qu' e'nikatiyi'ihij qu' net'ejuyets pa' neluji' qu' hats ewejinhetiifetaxi'ł

* 4:22 Ro 6:6; 7:6; 13:12; 1Co 3:14; 5:7-8; Col 3:9 * 4:23 Sal 51:12

* 4:24 Ro 13:12; Mr 13:19; Jn 1:3; Ap 3:14; Col 3:10; 2P 1:4 * 4:25

Pr 31:25 * 4:26 Sal 37:8; Mt 18:21; Stg 1:19-20 * 4:28 1Ts 2:8;

1Ti 6:18

hatse'.

³¹ Me'nitonitimetsha week pa' hik lunye'j ek'imii, pa' witts'iyopto', pa' witwakaye'j, pa' witk'eleye'j, qa pa' ul'etsik'ikii le'lijeyij pakhape' qa week pekhewep iye ul'ets hik lunyejei ekewe'en.

³² Eik'une'yi't yijat'ij qa' e'nq'eleti't wetju'tha iye, e'le'sitsi'it wetju't in lunye'jek pa' Intata in e'le'sitsi'it wetju't qe ta'tets ha' Cristo.*

5

Ojonketilik'i pa' Dios.

¹ Qa hik ta'hijupi', ojonketilik'i pa' Dios qe ekheweli't lelits pakha'an qa ne'su'uni't iye.

² Isu'uni'tha ene' week, in lunye'jek ha' Cristo in qi in jiyisu'un qa wetliti'ij, hik lunye'j na'aj inqa'met in testi'yij pa' Intata qa qi in ewjisiyi'm.*

³ Ekheweli't in hijayani't pa' Intata, hasu'uj qu' nana'li't etji'ju' pa' wanawitjili'ijju'kii l'esenits, qa pa' naqameyu'uj wekwek, qe hik aka' ikji' in lelitsi't ej pa' Dios.*

⁴ Hasu'uj iye it'ij pe' wekwek t'ejuyets in wanawitjile. Hasu'uj iye it'ij pe' wi'tlijei nite' teqene'luikii. Hasu'uj it'ij qu' iyowk'eleikii pe'qu' niwepinhet wetju't pekhewepe'. Qe nite' le'wisijupi' ekewe'en qu' jintatkin in jitajayan pa' Intata, it'ij yijat'ij pe'qu' nata'hijupi' qu' nenit'ijetspha'm le'wisij pa' Intata.

* **4:30** Sal 51:11; Jn 1:33; Hch 2:4; Ro 8:9; Ga 5:25; Tit 3:5; Ap 3:22;

Fil 1:6 * **4:32** Mt 9:2; 11:30; Lc 5:39; 6:35; 24:47; Ro 2:4; 1Co 15:33;

1P 2:3; 3:8; Sal 25:11; Mr 2:5; Col 3:12-13 * **5:2** 2Ts 2:13; Tit 2:14

* **5:3** 1Ts 2:5; 4:3,7; Lc 12:15; Ro 1:29; Ef 4:19; Col 3:5; 2P 2:3,14

⁵ Qe hats lenikfe'li'tets in yijaa'ija in ham pakha' qu' nanawitji'i'ij l'ese'n qa pa'qu' les nisu'un wiikfik'i ekewe' wekwek qa nite' wetweju'enij ma' qa hik lunye'j leqe diose', qu' nana'l pa'qu' netesti'yij hatse' pa' tenek'enhe'yi' ha' Cristo qa pa' Intata.*

⁶ Hasu'uj neqfeetsinheti'lkii ma' qa' umti'il qu' yijaayi'ija pa'qu' epi'ye'etik'i pe' wi'tlijei nite' yijaalija, qe week ekewe'en ta'tets qu' nitanithen pa' Intata pekhewe' nite' tek'enets.*

⁷ Qa hik ta'hijupi' hasu'uj ni'li'ij ji'teje'm pekhewe'en pa' yaqsiijkii.

⁸ Qe toxik'i mexe hik ejunyejeyi't nookii qe mexe nite' lenikfe'li'tets, qa ha'neli'ij qa hik ejunyejeyi't na'lkii qe hats lenikfe'li'tets ha' Yatsat'ax'inij. Me'nenih'ha in telitsi't ej pa' na'lkii,*

⁹ qe pe' lei pa' na'lkii pekhewe'en: pa' witq'ilta'x, pa' yatsathen qa pa' yijaa'ija.*

¹⁰ Mowo'olii qu' enikfe'li'tets pe' yi'sinhetij pa' Intata.*

¹¹ Hasu'uj eneqjeyu'ulijets qe pe' yaqsiijkii ham weju'li'ij pekhewe' yatsat'etsij pa' nookii, ilaxanheti'li'metsju' yijat'ij pe' yaqsiijkii pekhewe'en,*

¹² qe yeqwepin iye qu' jintit'ij pekhewe' wanat'intaxij wekwek yaqsiijkii pekhewe'en.

¹³ Week pa'qu' wekweke' qu' na'ni pa' i'ni' pe' fetitjii qa nalitetsju', qa te'wenhetii.*

¹⁴ Qa hik ta'hijupi' ka' wenithi'ij in yit'ij: —Akha' in lama', onompha'm, eniyik'uipha'm nekhewe' hik

* 5:5 1Co 5:9-11; 6:10; 2Co 6:17; Mr 1:15 * 5:6 Ro 2:5; Ap 6:16

* 5:8 Sal 36:9; Jn 12:35-36,46; Is 2:5; Lc 16:8 * 5:9 Ga 5:22; Ef

5:17 * 5:10 Ro 12:2; Lc 18:18 * 5:11 Ga 5:22; Tit 3:14 * 5:13

1Jn 1:2

hunya'jei naxju', qa pa' Cristo qa' netujinhetji'.—*

¹⁵ Qa hik ta'hijupi', mewetjeli't otok'oiha, hasu'uj hik ejunyejeji'it pekhewe' hik hunya'jei qu' nite' netqenehu'ye' wetju't, hik ejunyejeji'it yijat'ij pekhewe' hik hunya'jei qu' nenikfe'lkii.

¹⁶ Iwq'axinij pa'qu' lahats'i'ij qu' enqif'eli'ij pakhape' qu' aqsiimijkii pa' le'wis, qe ene' nelutsji' ul'ets.*

¹⁷ Qa hik ta'hijupi', hasu'uj hik ejunyejeji'it qu'nte' eqe nelu'yi'ikii, mowo'ohii yijat'ij qu' enikfe'li'tetsha pa' yisu'un ha' Yatsat'ax'inij qu' aqsiijijkii.*

¹⁸ Qa hasu'uj iye qu' enk'uwet'it, qe aka'an jiyi-wu'enhet. Aka' ejunyejeji'it yijat'ij, notpoli't ej pa' Espiritu Santo.*

¹⁹ Matkakkini'hij wetju't, iji'ihik'i ke' le'lijtsinel pa' David'ik'i (Salmos), pe' e'lijtsineli't qa pa'qu'le hunya'je' pe' witlijtsinel t'ejuyets pa' Intata. Elijt-siyi'hij qa iwqinheti'hji'ha iye weekij pe' atawjetsi't pa' Yatsat'ax'inij.

²⁰ Itjiilijetspha'm le'wisij pa' Intata Dios qu' nata'lets week pa'qu' hunya'je' ekewe' wekwek, aka' hiji' ha' Yatsat'ax'inij Jesucristo.

²¹ Uk'eli'ihijje'm qu' meteni'feni't wetju't qu' nata'lets pa' ijiweyaxitsi'hju't ha' Cristo.

Jukhew, isu'uni't pe' ewhe'yetsi't wetju't.

* **5:14** Pr 6:4; Jn 5:25; Is 26:19; 51:17; 52:1; 60:1; Mal 4:2; Lc 1:78-79; Ro 13:11 * **5:16** Col 4:5 * **5:17** Jer 31:31-34; Ez 36:26-27; Ro 12:2; Fil 1:9-10; 1Ts 5:21; Sal 143:10; Pr 16:9; Ga 1:4 * **5:18** Col 3:16-17; 1P 1:17; Lc 1:15; 5:37; 12:45; Jn 2:10; 1Ts 5:7; Ap 17:2; Gn 9:21; Dt 7:13; Sal 4:7; Pr 3:10; Hch 13:52

22 Qa hik lunyejei iye pe' efuts netk'enets qa' niwqinheth iye pe' lewhe'yets, in lunye'jek in tek'enets ha' Yatsat'ax'inij.*

23 Qe pa' jukhew lejila' pe' efu, in lunye'jek ha' Cristo in lejila' pe' hats yijayan, hik pekhewe' hik lunyejei qu' l'ese'ne' hakha'an, qa lakha' pakha' yilin hatse'enewe'en.*

24 Qa in lunyejeyek iye pe' yijayan ha' Cristo in tek'enets, qu' hik lunye'je' pe'qu' efuye' qu' ne'neni'ha qu' netk'eenetsha pa'qu' lewhe'ye'ye'.

25 Jukhew, isu'uni'lha pe' ewhe'yeli't, in lunye'jek ha' Cristo in qi in yisu'un pe' yijayan qa wetkisi'ij pa'aj qu' nawa'mifi pekhewe'en, *

26 qe qa' le'sitse' pa'qu' lunyejeje', qa' nenli'jju' hik lunye'j qu' nimpulijinji' pa'qu' iweli'ye' qe ta'lets ke' le'lijei.

27 Hats'inha qu' namtaxets pa' lewhe'yejii, qa' qiyl'ija qu' le'wise' pekhe' hik lunye'j qu' lewhe'ye'ye' hikpe' pe' week yijayan pa' Intata, ham lejili'ye', hik lunyejei ne'ej witqhinatai in ham pa'qu' tshx-aalayi'iju' qa week pakhape' iye ul'axe' hami'm, qe le'wiisija yijat'ij in lunye'jek pa' hats yisu'un ha' Cristo, ham ul'axi'ii.*

28 Qa hik aka' qu' lunye'je' pa'qu' jukhewe' nisu'un pe'qu' lewhe'ye'ye', in lunye'jek lakha' in wetsu'unle. Pakha' qu' nisu'un pe'qu' lewhe'ye'ye' qa lakha'le in wetsu'unle.

29 Qe ham pa'qu' nuten pa'qu' l'ese'ne'le, qe aka' leqfenye'jij yijat'ij, yekunhen qa yejeletsha iye, in

* 5:22 Gn 3:16; 1Co 11:3,7-9,11-12; Col 3:18; Tit 2:4-5; 1P 3:1-6

* 5:23 1Co 11:3; Col 2:10; 3:18-4:1 * 5:25 Col 3:19; 1P 3:7; Jn 3:16;

1Co 13:1; 2Ts 2:13; Tit 2:14 * 5:27 Jud 24

hunya'jek ha' Cristo in yejeletsha pe' hats yijayan,
³⁰ qe inekhewel in jitajayan, lewekwekits pa' t'ese'n hakha'an.

³¹ *Qa hik ta'tijupi' pa'qu' jukhewe' qu' niwejin pa'qu' latataye' qa pe'qu' leneneye' iye, ma' qa ewi't na'ni'ti' pe'qu' lewhe'ye'ye', qa hats nite' hik hunye'j qu' wetsjuk'e, qe hats hik hunye'j yijat'ij qu' ewi't pa'qu' t'ese'ne'.* (Gn 2:24)*

³² Tsikfe'lets in jutsitets ekewe' hit'ij, in hit'ij ekewe'en t'ejuyets pa' hunye'jij ha' Cristo pe' hats yijayan.*

³³ Qa hikte hunye'j iye, week ewifei ekheweli't qu' isu'uni't iye pe' ewhe'yeli't, in ejunyejeyi'lek in lewetsu'unli't. Qa pe' efuts, netk'enets qa' niwqinhet iye pa'qu' lewhe'ye'ye'.

6

T'ejuyets ne'ej wilitis qa ne'ej wit'alhei.

¹ Wilitis, in hijayani't ha' Yatsat'ax'inij, ek'eni'lets pe' alheyi't, qe hik aka' yatsathen yijat'ij.*

² Qe kakha' yojo in na'l pa' yiwjutsiqen ine'm kekhewe' we'nika'ajji' wenit'ij qu' jintaqsiijkii (mandamientos) yit'ij: —*Ek'enets qa' iwqinhet iye pa'qu' atataye' qa pe'qu' eneneye' iye,*

³ *hats'inha qa' e'te'wise'ti'imkii, qa ijtaxi'ij pa'qu' eqe netuye' ha'ne sehe' epji'.*— (Ex 20:12)

⁴ Qa ekheweli't wit'alhei, hasu'uj inalketi'tkii pe' elitsi't, ijatsheni'tij yijat'ij qu' nenikfe'lets qa'nte' net'ekume'ets pa' nite' yisu'un ha' Cristo, qa'

* 5:31 1P 3:1 * 5:32 1Co 2:7 * 6:1 Pr 1:8; 6:20; 23:22; Col 3:20

nenikfe'lets iye pa' yisu'un ha' Cristo qa' naqsi-
ijkii.*

*T'ejujets ne'ej witqejkunenhei qa ne'ej witqap-
atunits.*

⁵ T'ithayii witlinhei (esclavos), ek'eni'lets pe'
aqa patunitsi'l ha'ne sehe' epji', iwqinheti'l qa'
e'nijiwe'yi'liju'l iye, qa' weeki'ijha pe' atawjetsi'l
qu' iwqinheti'l in ejunyejeyi'letsek ha' Cristo.*

⁶ Hasu'uj in ne'wenli'il ma' qa' l'ithayi'yi'l, qe hik
aka' lunyejei pe' wo'li'ii qu' nisu'un ene' jukhew,
me'neenili'ha yijat'ij in ekheweli'l leqejkunenhei ha'
Cristo, qa' laqsiijkii weekijha pe' atawjetsi'l pa'
yisu'un pa' Intata.*

⁷ Isu'uni'ha qu' ithayi'yi'li'm, hik eqjunyejeyi'ilij
qu' hakhaye'le Yatsat'ax'inij qu' ithayi'yi'li'm, qa
nite' ene' jukhewle.*

⁸ Qe les le'wis qu' menikfeliti'lets in week ewilei
hatse' pakha' qu' naqsiijkii pa' le'wis qa' netis
hatse' ha' Yatsat'ax'inij, inye'jlu' pakha'le qu'
lunye'je' i'nli'i qu' witlinek'e qa' i'nli'i qu' nite'
witlinek'e.

⁹ Qa ekheweli'l witqapatunits, hik aka' iye
aqsi'ji'lijkii, hasu'uj ijiweikiti'l kii pe' egejkunen-
heyi'l, menikfeliti'lets hakha' Yatsat'ax'inij i'nji'
ha'ne wa's, hikha' yatsat'etsi'l ej qa' lekhwel iye
yatsat'etsij, qa' lakha' iye week leqjunyejeyij ene'
jukhew.*

Pe' inwatlanhewots initjanetits.

* 6:4 Ro 10:19; He 12:5 * 6:5 Col 3:22; 1P 2:18; Fil 2:12; 2Co 9:11

* 6:6 Sal 143:10; Pr 16:9; Ga 1:4; Ef 1:9 * 6:7 Col 3:23 * 6:9
Hch 4:29; 9:1; Col 3:25; 4:1

10 Ewi'Hi'ijha. Mowo'ohi qu' nelisi'lij ha' Yat-sat'ax'inij pa' ham let'unhenye'ji'iju'l let'unha'x.*

11 Uyi'tik'ipha'm pe' week atjanetitsi'l nelisi'lij pa' Intata, hats'inha qa'nte' neqenijani'il ej pa' le'wejtitsi' pa' inwo'met.*

12 Qe pa' inwatlanheyejei nite' jit'ejuyiju'l pe'qu' jukheewe'le, qe jit'ejuyiju'l yijat'ij pe' inwo'metets nekipji' ha'ne sehe' qa yaqsiijkii pa' qi u'ax, qa pe' inwo'metets tenek'enhe'yipji' enewe'en, qa pe' inwo'metets qits pe' let'unhaxits, qa pe' inwo'metets i'nji' na' wa's.*

13 Qa hik ta'lijupi', uyi'tik'ipha'm pe' week atjanetitsi'l nelisi'lij pa' Intata, hats'inha qa'nte' neqenijani'il ej pa'qu' neluyeji' qu' nente'nilitax ewets pa' inwo'met, qa in hats nite' yeqenijani'l ej, ma' qa hats nite' naxi'l ej.*

14 Matjanitheni'l, *eqelutsi'itji' pa' eqelutsaxi'l awatlanhewo'ot, hikpa' pa' witjunye'j yijaa'ija, (Is 11:5) uyi'tik'ipha'm pa' ejuijiwo'ot awatlanhewo'ot, hik pakha' pa' yatsathen witjunye'j. (Is 59:17)**

15 Otsilji' pe' otshilaxtiyi'l awatlanhewotsi'l, hik pekhewe' in hats aq'axitsi'l qu' inku'ti'tij eke' le'sits wi'tlijei t'ejuyets qu' je'le'sitsi'il wetju'l pa' Intata (Is 52:7) wi'tlijei t'ejuyets ha' Jesús.

16 Qa nite' uja'xle ekewe'en, qe pa' eqwet-shenek'iju'l iye atjanet (escudo), hikpa' pa' nite' eqekuyejeji'lij hikpa' qu' nomhet pekhewe' tu-

* **6:10** Hch 4:33 * **6:11** Pr 31:25; Ef 6:11-17 * **6:12** 1P 3:22; Mt 6:13; Jn 17:15; Ef 1:3,20; 2:6; 3:10; Fil 2:10; 3:3 * **6:13** 1Ts 5:8; 2Ti 4:15; 1P 5:9 * **6:14** Pr 24:16; Fil 1:27; Jn 14:6; 1Jn 5:20; Mt 6:33; Ro 1:17; 2P 1:1; 1Ts 5:8

jje'm lakjui pa' inwo'met.*

¹⁷ Uyi'łji'ju' pa' ikfeliyaxitsi'lets in hats i'łiyi'ł, ma' qa hik łunye'j qu' uyi'łji'ju' pe' otjojiiki'ıl awat-lanhewoki'ıl. (Is 59:17) Anatkini'ł eke' Intata łe'lıjei hik ekewe' łaqat'şjikinet pa' Espíritu Santo.* ¹⁸ Pa' Espíritu Santo ne'feni'łij qu' iyini'lets pa' Intata, qa' hasu'uj ili'ılıj, matjanitheni'łha. Hasu'uj ili'ılıj qu' iyini'łipji'kii pe' hats ejefetsi'łipji' pa' Intata.*

¹⁹ Qa yakhap iye qu' iyini'łyipji'kii, hats'inha qa k'iyetji'ij qa pa' Intata qa' nesłisij pe'qu' hit'ij, qa' ham iye pa'qu' yijiweya'xe'kii qu' henfel qa' ninikfe'l ekewe' nite' hayiits qu' nana'l pa'qu' nenikfe'lets łe'sits wi'łlıjei t'ejuyets ha' Jesús.*

²⁰ Qa aka'an in łunye'j, qa yakha' qa ye'witq'ithinenek ho'yophe'łti'yij ene' fołolık'ıl. Iyini'łyipji' hats'inha qu' ham yijiweya'xe'kii qu' henfel ekewe'en.*

Wetfel pa' Pablo.

²¹ Qa nakha' inejefe Tíquico, łe'wis łeq'ithayinenek iye ha' Yatsat'ax'inij, hik nakha' qu' week nefelili'm hatse', hats'inha qu' enikfe'łjiiletsek pa'n yijunye'jkii qa łekpa' haqsiijkii.*

²² He'nukini'ł ei qe qa' enikfe'łjiiletsek pa'n yijunyejeyi'łkii hats'inha qu' nisimetsin qa' nakaktin iye pe' atawjetsi'ł.*

* **6:16** Gn 15:1; Mt 8:10; Hch 3:16; Ro 1:8; 1Co 2:5; Ga 2:16; 1Ti 1:2; He 4:2; 2Ts 3:3 * **6:17** 1Ts 5:8; Mr 14:47; Sal 51:11; Jn 1:33; Hch 2:4; Ro 8:9; Ga 5:25; Tit 3:5; Ap 3:22 * **6:18** Mt 5:44; Hch 12:12; Jud 20; Pr 6:4 * **6:19** 2Co 3:12 * **6:20** 2Co 5:20 * **6:21** Tit 3:12 * **6:22** Lc 16:25; Col 4:8

²³ Pa' wit'ikesimeya'xlekii qu' na'ni'l ejupkii qa pakha' iye witeqsu'unka'x weeki'l pa'nte' witgekuye'j ta'lets pa' Intata Dios qa ha' Yatsat'ax'inij Jesucristo.*

²⁴ Pa' leqi'fenkeye'j pa' Intata qu' na'ni'l ejupkii ekheweli'l pekhewe' nite' naqatsit'ij in yisu'unija ha' Yatsat'ax'inij Jesucristo.

* **6:23** Mt 5:16; 11:27; Lc 11:13; Jn 8:42

INTATA LE'LIJEI
New Testament in Maka

copyright © 2013 Wycliffe Bible Translators, Inc.

Language: Maka

Translation by: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maka

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
9c3673e4-2b93-51ec-8ba3-aac5c1cd65b0